Universal Declaration of Human Rights - Krio

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

Tenki Tenki

Wi de tel tenk to Yunayted Neshon Ay Komishona fo Yuman Rayt fo we dem pe fo dis wok ya.

Di Nashənal Kəmishən fə Demokrasi en Yuman Rayt na dem put dis Deklareshən na wi yon Sa Lon languej dem.

Wi de tel plenti tenki to di posin we ton di inglish languej to krio, di wan we hep fo chek di wok en di man we dro dem pikcho, Adams, Bangura, en Miss Patience Boknor we tayp

Di Stetment Bət Di Rayt Den We əlman na Di Wəl Fə Get

Wetin Kam Bifo (Introdəkshən)

Soso we if wi sabi en gri se if əlman get insef yon respekt, i ikwal en get di sem rayt lek eni əda pəsin əloba di wəl, den di wanol wə1 sef go get fridəm, jəstis en pis; as tiŋ den we wiked pasmak dən apin bikəs pipul dem nə wan fə gri se əlman ikwal.

Di tiŋ we di kəmən man want pas əltin na di wəl tide na fə mek ɛvribədi ebul fə se wetin i fil, ə tink bay aw tiŋ de bi, fə biliv wetin i want fə biliv ɛn gɛt bɛnifit frəm əl wetin i nid, wit kolat.

If man fo liv wit kolat en no get fo de fet fo in you you rayt, den i impotant fo mek di lo protekt da rayt de;

Na semweso i gud fə lɛ kolat ɛn frɛnship de bitwin neshən ɛn neshən dɛn.

We di Yunayted Neshon den sef si dis nain mek den put am tranga wan na den chata se ol motalman olsay na di wol ikwal, den get densef sef yon respekt we nobodi no fo fomful wit.

Weda den na man ə uman, diffrens nə fə de, en di Yunayted Neshən də mekop den maynd fə mek əlman liv with kolat en respekt usay i de en get itwal chans fə du wetin den sabi fə du.

Na semweso di memba kəntri den na di Yunayted Neshən dən gri fə jəynan en mek shə se den go get fridəm, jəstis en pis sote go.

Fə mek dis wanwəd ol wata əloba di wəl, evribədi fəəndastand wetin den rayt en den fridəm, jəstis en pis yaso min.

so, le wi si,

Di Jeneral Asembli

dən tək naw se,

Dis stetment bot di rayt we olman olsay na di wol fo get, fo bi sem fool kanaba pipul den na ol di kontri den en dat evribodi en patikla di wan den we get pawa, fo mek sho se dnsef en den denlan am, den sabi am en de fala wetin i se so dat oLoba di wol pipul den go get fridom, jostis en pis.

Atikul Wan

evribədi bən fri en get in yon rayt, nən wan nə pas in kəmpin. Wi əl ebul fə tink en fenət wetin rayt en rəŋ pantap dat wi fə sabi aw fə liv lek wan big famili.

Atikul Tu

evribədi fə get di sem rayt en fridom we dis stetment tək bət, nə mata weda in na wetman ə blakman, man ə uman, bukman ə yu nə sabi rid en rayt, poman ə məniman, kristien ə muslim.

Pantap dat, di kəntri we di pəsin bən sef nə fə bi baria na in we. I fə get ikwal rayt lek eni əda pəsin na di best divelop kəntri na di wəl.

Atikul Tri

Evribodi fo ebul fo liv in layf, fo fil fri en fo fil sef se nobodi o natin no go denja in layf.

Atikul Fo

Nəbədi nə fə mek in kəmpin in slev – dis, əɛnitiŋ sɛf we fiba am fə tap.

Atikul Fayv

Nəbədi nə fə mek in kəmpin səfa bita wiked pen na bədi ə shem sote i ləs da in yon yon respekt.

Atikul Siks

evribədi get rayt fə mek pipul den respekt am as mətalman enisay na di wəl en, sef, fə mek di ləep am get dis respekt.

Atikul Sevin

evribədi ikwal en di lə fə ebul protekt eniwan wantem we əda pipul den na trit wan du am wetin in mətalman rayt nə gri fəə if bad pipul se əda wan agens am.

Atikul Et

evribədi we tink se den dən go agens in rayt we dis stetment tək bət, fə ebul get əl di ep we i nid frəm eni kotos we get pawa na in kəntri.

Atikul Nayn

Nəbədi nə fə arest, jel ə dreb eni pəsin kəmət na in yon kəntri jes bikes i fil fə du so.

Atikul Ten

enibədi we den arest fə tiŋ we i du agens di lə, fə get ful protekshən frəm Ləya den we go tinap fə am na kotos.

Atikul Ilevin

- 1. enibədi we den ker go kot fə tiŋ we den se i du agens di lə fə get di rayt fə se in nə du da tiŋ de en di kot fə biliv am. I go lef wit di kot naw fə pruv se i du am na pəblik trayal usay insef go get in yon Ləya den we go fet in kes fə am.
- 2. Nəbədi nə fə pas jəjment se pəsin gilti ə ipənish da pəsin de fə lek big əfens we pas wetin i du ɛ sɛf, we nətəəfens insay in yon kəntri əəda kəntri den na di wəl.

Atikul Twelv

Nəbədi nə get rayt fə intafia as i lek wit əda pəsin in kolat, in fambul, in om en in leta den we əda pipul rayt to am, ə ivin tray fə pwel in gudnem ə in respekt. Di lə fə protekt evribədi fə den kanaba molesteshən yaso.

Atikul Tətin

1. evribodi get rayt fo go enisay en tap enisay na eni pan di kontri den we de na di Yunayted Neshon; pantap dat, i fri fo komot na in kontri peniwan pan di kontri den na di Yunayted Neshon en ton bak kam na in yon kontri we i pliz.

2. [Missing?]

Atikul Fətin

1. enibədi we tink se in layf de pan denja get di rayt fə aks mek den alaw am, en in fə get da pamishən de fə tap na eni əda kəntri na di wəl. Bət, if di rizin we mek da pəsin de wan kəmət na in kəntri go tap ədasay nə get natin fə du with pəlitiks, ə na tiŋ we di Yunayted Neshən stetment de agens, den i nə go get da rayt de.

2. [Missing?]

Atikul Fiftin

- 1. evribədi get rayt fə get wan kəntri we i go kəl in yon.
- 2. Nəbədi nə get rayt, jes bikəs i fil so, fə, mek səmbədi nə ebul fə kəl in kəntri in yon igen, en, pantap dat, nəbədi nə get da pawa de fə tap enibədi we want fə chenj di kəntri we i go kəl in yon.

Atikul Sikstin

- 1. ENi man en uman we dən əfej, no mata if den tu nə to di sem trayb, kəla ə rilijən, get di rayt fə mared, bən pikin en bigin den yon famili. Den fə get di sem rayt as maredman en mareduman, ivin if di mared brok sef.
- 2. Fo mek di mared get minin, di man en di uman fo no plen wan wetin den de du en den fo gri fo bi man en wef.
- 3. [Missing?]

Atikul Sevintin

- 1. evibədi get rayt fə get prəpati fə insef ə fə jəyn wit əda pipul den en get di prəpati.
- 2. Nəbədi nə fə tek eni pəsin in yon prəpati kəmət na in an we i jes fil nəmə fə du so.

Atikul Etin

evibədi get rayt fə tink aw i want, fil aw i want bət enitin we de apin enisay, en jəyn eni grup ə chəch əeni əda Gəd wok fə prez Gəd di we i fil, igen sef, i fri fə chenj in grup ə chəch en ivin di we aw i fil bət Gəd; pantap dat, i fri fə wəship in wangren ə wit əda pipul den na pəblik ə prayvet.

Atikul Nayntin

evribədi get rayt fə tink wetin i fil en fə se wetin i fil. Dis min igen se nəbədi nə fə ambəgin eni əda pəsin bikəs əf wetin i fil ə biliv. I get di raty fə sho, tək bət, fala ə ivin tich wetin i biliv to əda pəsin den, ilek usay ə uskayn we i pas di wəd.

Atikul Twenti

- 1. evribədi fri fə bi memba əf eni grup we i chuz wans nəmə den nə de du enitin de fə brin ambəg ə trəbul na di kəntri.
- 2. Nəbədi nə fə fos eni pəsin fə jəny eni grup we i nə want fə jəyn.

Atikul Twenti Wan

- 1. evribədi get rayt fə du wetin i ebul du fəɛp di gəvament əf in kəntri. I kin du dis if i wok wit di gəvament ə if i vot fə pipul den we go wok wit di gəvament.
- 2. evribədi get di sem rayt fə yuz əl gəvament prəpati we de fə di pəblik.
- 3. Wetin di pipul den want nain di govament fo du. Di pipul den go sho wetin den want we den wan we don big du fo vot go vot na jenaral ilekshon from tem to tem. Nobodi no fo fos den, nobodi no fo tap den fo fri fo vot usay nobodi no go si den, en fo udat den want.

Atikul Twenti Tu

evribədi get rayt fəekspekt in kəntri fə protekt am en gi am chans fə diveləp insef enisay en bi səmbdi wit respekt en we go ebul insef pan wok ə biznes ə stədi te in kəntri kin si am as wan pəsin we fə abop pan.

Atikul Twenti Tri

- 1. Evribədi get rayt fə wok, fə du di wok we i lek en fə get gud pe fə di wok we i de du.
- 2. evribədi fə get di sem pe fə di sem wok.
- 3. evribədi we de wok get rayt fə get di kayn pe we go mek in en in famili ebul fə liv lek nəmal mətalman den, en if i posibul sef, den kin get əda kayn ep fə mek layf bete fə den.
- 4. evribədi get rayt fə fərm tred Yuniən ə jəyn an as wokman ə wokuman fə mek nəbədi nə tinap pan den rayt na di wokples.

Atikul Twenti Fə

evribədi get rayt fə rest en rilaks in bədi, insay dat, den fə rest afta den dən wok dən evride. Pantap dat, den fə get tem we den go go əlide (evri ia liv) en get den pe fə da liv tem de.

Atikul Twenti Fayv

- 1. evibədi get rayt fə liv di kaynaba layf we go mek in en in famili den nə sik, i fə ebul get tin fə it, klos, os, meresin en i fə ebul abop se if tiŋ bad fə am na layf, leke i sik, in patna ə pikin sik, i lef wok, day mit am ə i kam ol tuməs, i go get ep frəm di gəvament.
- 2. Lili pikin en mami we get pikin get rayt fɔ get speshal ep en dis ep nɔ fɔ difren ivin if nɔtɔ di maredwef ben di pikin. Maredwef pikin en switat pikin fɔ get di sem tritment en benifit ɔlsay.

Atikul Twenti Siks

- 1. evribədi get rayt fə get edyukeshən; elimentri en praymari fə bi fri, en elimentri en praymari edyukeshən fə bi bay fos, bay kəmpel. enibədi we want, kin get di kayn edukeshən we go tren am fə speshal jab den. Yunivasiti edyukeshən go de fəenibədi we want am, en we fit fə get am.
- 2. edyukeshən go tren di lana fə gro fə respekt di rayt en fridəm we əda pipul den get. I go mek pipul den ebul fə liv togeda nə mata weda den de na di sem kəntri ə səm bi frəm əda kəntri, weda den get di sem kəla ə den ivin jəyn di sem rilijən; dis go ep mek di Yunayted Neshən den wok fə get pis en kolat əlsay na di wəl izi.
- 3. Na di mami en di dadi fo disayd uskayn edyukeshon den pikin fo get; if den no ebul o den no de, den, oda posin kin du am.

Atikul Twenti Sevin

- 1. evribədi get rayt fə tek pat pan əl den kaynaba aktiviti we blant in kəntri leke di siŋen dans, di dresin en di pichə drəin den we de sho tiŋ den bət in kəntri. I get di rayt igen sef fə tek pat en benifit frəm di gud tiŋs den we sayens dən briŋ kam na in kəntri.
- 2. evribədi get rayt fə kip en enjəy as in yon enitin we insef fenət, du ə rayt insay sayeens, raytin drama ple aktiŋ.

Atikul Twenti Et

evribədi get rayt fə benifit frəm grup we get pawa ələba di wəl fə mek shə se evribədi go enjəy den rayt en fridəm den we dis stetment tək bət.

Atikul Twenti Nayn

- 1. evribədi get in yon wok we in fə du na in sosayti fə mek shə se i go liv api en ful layf insay de.
- 2. We posin de tray foenjoy in rayt den en in fridom den na sosayti, i fo memba se di lo de fo mek sho se i memba se oda posin densef get den yon rayt en fridom we i fo respekt so dat oda en kolat go de olobot (olsay).
- 3. Den rayt en fridəm den ya we de na dis stetment we kəmət na Yunayted Neshən na fə mek pipul den get pis en kolat na den kəntri. Nəbədi nə fə tray fə mek pipul den fə get əda tiŋ pas dat.

Atikul Tati

Natin no de insay pan den stetment yaso we min bad foeni posin o grup of posin insay eni kontri so, mek nobodi no fil dat.